

671.1431
078
13

永年縣志

胡景桂題籤

永年縣志卷二十

知縣事江陰夏詒鈺續纂

雜稽志

前志序雜稽曰事載正史而側見旁出迹著裨官而傳聞有據考古者所不遺此雜稽所由昉也當時譏永年舊志不無龐雜刪訛訂正期與情事不謬夫王小波倡亂及藩鎮五代宋金諸戰爭宜著兵事反列雜稽蓋武功紀傳體裁本誤載筆自不免舛漏即所刪削今尙散見府志亦未必盡厭人意也茲重爲編輯改隸兵事者九條新增入者十四條採掇所及不拘史傳雜說皆本

邑舊聞而瑣雜無可歸類此雜稽命名之義云爾

三國管輅善卜筮廣平劉奉林婦病困已買棺器時正

月也使輅占曰命在八月辛卯日日中之時林謂必不

然而婦漸差至秋發動一如輅言

三國志

魏李安世出爲相州刺史廣平人李波宗族強盛殘掠

生民百姓語曰李波小妹字雍容褰車逐馬如卷蓬左

射右射必疊雙婦女尙如此男子那可逢安世設方畧

誘斬波于市

魏書

北齊李庶妻元羅女庶亡後更適廣平趙起嘗夢庶謂

己曰我薄福託劉氏爲女明日當出彼家甚貧恐不能

見養夫妻舊恩故來相見告君宜乞取我劉家在七帝坊十字街東南入窮巷是也元氏不應庶曰君似懼趙公意我自說之于是起亦夢焉起寤問妻妻言之符合遂持錢幣躬往求劉氏如所夢得之養之長而嫁焉北史

唐劉稹阻命之時臨洛市中百姓有推磨盲驢無故死因賣之屠者剖腹中得二石大如合拳紫色赤斑瑩潤

可愛屠者遂送稹乃留之西陽雜俎續集

程休字士美廣平人房垂字翼明清河人皆事元德秀

號門弟子西陽雜俎續集

廣平唐詩之可稽者蓋九人焉高衛尉倡三宴之集劉

刺史與九老之會一時盛事千載美談一二吟咏不可遺也司空文明張承吉張象文百家詩中俱有其集然佚亡過多散見疊出于是收總集之其未盡者尙有俟也張子初原集不存得其一賦三詩最爲可惜劉棗強詩云舊業叢臺廢苑東蓋邯鄲人無疑皮襲美爲作墓碑謂不知何許人似未詳考矣

王家瑞廣平唐詩人集序

白居易洛中九老會詩序會昌五年三月二十四日胡吉劉鄭盧張等六賢皆多年壽予亦次焉于東都做居履道坊合尙齒之會七老相顧旣醉且歡靜而思之此會希有因各賦七言韻詩一章以記之或傳諸美事者

其年夏又有二老年貌絕倫同歸故鄉亦來斯會續命

貫姓名年齒

疑有誤字

寫其形貌附於圖右前懷州司馬安

定胡果年八十九衛尉卿致仕馮翊吉收年八十八前

磁州刺史廣平劉真年八十七前龍武軍長史滎陽鄭

據年八十五前侍御史內供奉官范陽盧真年八十二

前永州刺史清河張渾年七十七刑部尚書致仕白居易

易年七十七

五朝紀事

宋郭進爲洛州防禦使充西山巡檢開寶中太祖令有

司造宅賜進悉用箬瓦有司言舊制非親王公主之第

不可用帝怒曰進控扼西山十餘年使我無北顧憂我

視進豈減兒女耶亟往督役無妄言

宋史

金巖實子忠濟敬宋子貞請于朝授參議東平路事兼
提舉太常禮樂子貞作新廟學延前進士康 王磐爲
教官招致生徒幾百人出粟贍之俾習經藝每季程試
必親臨之齊魯儒風爲之一變

文宗時太尉不花率衆剽掠廣平後盜至其家殺之

右二

則見舊志

元世祖時內臣進橫披畫釋迦佛端坐于中老君旁立
于側孔子前拜世祖召王磐示以此圖磐默然世祖曰
端如此畫否對曰然曰卿旣然之可跋一詩磐就御前

書之曰釋迦端坐老君旁侍夫子聞之笑倒在地世祖

大笑曰甚矣王磐之戇也

王磐碑

明錦衣千戶楊忠相傳英宗復辟時忠亦與有微功乃

自陳于帝曰臣大漢楊忠也忠任千戶或以此

舊志

正德十六年世宗由興獻世子入嗣統路經邯鄲嘉靖
十八年兩次邯鄲復次臨洺止于行宮之蘆殿

嘉靖十三年御史李新芳按部至廣平門卒發礮驚怖
走檄正定守備率兵擒勦疏言知府李騰霄等據城爲
亂騰霄奏辨巡撫周金臨鞫事得白或謂新芳與郡守

舊有隙也

右二則舊府志

宋學道與相州冀體冀述同學室供魁神像一日夜讀
久之各就寢忽見壁有光色正綠閃灼不定衆乃祝曰
卽奎光可見斗言畢而斗見衆又祝曰卽斗可見星光
隨散爲五如星數衆大異之次年萬厯丙戌體成進士
又十二年戊戌述成進士至庚戌學道成進士蓋戌祥

也

宋學韶
奎光志

天啟中有一道士常往來洛磁間垢衣蓬首嗜狗肉燒
酒引雨徒曰清風明月貌皆獐怪時永久旱祈雨道士
築壇揚旗擊鼓于上以桃木爲椿植而捶之輒應聲致
雷已而赤雲自西來曰是非善雨以旗揮之旋濃陰漫

野向夕轉沈大雨如注

白南金初爲諸生落魄游江湖縱情詩酒直指傳振商
按部至廣郡卒謂邑令曰此間有白南金者其人安在
可速致之令以南金久在外必有不法事或與直指有
隙乃遣役夜至其家械繫之南金恐怖妻子皆走匿比
曉解送振商愕然遙揮之云前見子黃梁祠和先君詩
嘉甚有脫藁者可取閱詩名因此益著

永年胡鯉廳事上產芝七連三歲皆然知府程世昌題

其額曰七芝堂

右三則
舊府志

崇禎初年邑民訛言有眚夜呼人應者立死未幾獲偷

兒怪遂絕偷兒欲駭人故造爲此言

鄉民余秉問嘗撻其母一日秉問之護駕村雷繞其所
居室良久乃息則秉問于護駕村震死矣邑紳杜汝慤
紀其事

崇禎十三年虎入臨洛城自興教寺中出蹲于郝爾梅
屋上適有真定勦賊兵駐洛共射殺之

崇禎十六年春總兵白廣恩領馬步萬人住劄午橋堡
名曰援兵實爲寇劫盤踞三月蹂躪一空知府韓垺遣
宋中軍餽勸行仍攜宋中軍至蒲州乃令歸肥鄉張
汝行幼無賴嘗爲盜積官至通州總兵官罷歸卜居郡

城甲申春闖信迫推官張延祚知縣劉昇祚遁去李建
泰潰兵所在淫掠鄉人不逞者亦乘間劫殺諸鄉官與
汝行計汝行乃以城守自任令有擅入廣平界者斬執
不逞者數人寘之法闔境肅然未幾汝行使其黨栗志
等引闖賊帥劉芳亮自磁州以三月初八日至汝行郊
迎隨以入諸鄉官始知爲汝行所賣芳亮執諸人加以
非刑汝行亦乘間爲暴十一日芳亮北去汝行請爲前
鋒取京通芳亮許之乃留其黨郭都尉常掌旅守廣平
未幾聞京師不守汝行子萬貴益橫五月初五日聞
王師南下賊將乃羣謀遁去故明縣丞王化基典史解達

仁鄉官李春綦生員徐坤等陰持之不得走會汝行敗
歸更與賊黨招僞劉將軍者自彰德至大掠殺化基達
仁舉人盧贊元生員宋湯齊徐坤王拱宸郭型及春綦
家人劉芳等執春綦及故鉅野縣知縣劉鏡西去春綦
至宜溝驛與妾馬氏自縊死汝行在郡自稱權將軍集
兵爲闖守恨諸紳衿不附已指爲闖賊欽犯窘辱備至
殺戮之慘甚于流賊所殺知名者爲黃廷奏任有名任
守智李孝我

朝選官至汝行不敢拒邑紳胡福宏等列其罪論死以赦
免孔廣棟曰舊志紀甲申之變甚詳本邑人胡孟男所

記也然其指斥諸紳則有不得其平者如云潰兵且至
春綦等恇擾不知所爲乃召汝行與計賊至而與家居
之總兵計城守安得爲恇擾汝行旣爲賊諸紳備受慘
毒而不肯與比其節義有足稱者春綦等之持賊不使
去其志有在力不足故未能決耳迨所謀未就汝行敗
歸遂欲引賊甘心諸紳始終爲汝行所扼然則春綦之
死宜溝與許遠之死偃師何異卽諸鄉官罹汝行害者
亦皆不失爲忠義之鬼舊志詆訾不遺餘力何歟余悲
夫諸紳之見扼于汝行且蒙詬于後世而心迹不白也
故爲論之如此

國朝順治戊子六月府城隍廟後路寡婦家稱有鬼物自呼老衛不見其形好學市人賣物聲聞亦言人禍福來問者不絕有司疑有冤抑掘地視之無所見郡守許文秀執來問者扑之逐寡婦出鎖其門怪遂絕

順治戊子山西亂或夜擲僞牌于西郭衆情惶惶不知

所出郡守許文秀命碎之索其人不得

右六則舊志

申鳧盟涵光稱詩廣平開河朔詩派其友雞澤殷岳伯巖永年張蓋覆輿曲周劉逢源津逮邯鄲趙湛秋水皆

逸民也

漁洋詩話

舉人李司鑑嘗無故殺其妻一日持屠刀詣府城隍廟

登高處言爲神怒責遂自殘肢體月餘而斃

邑人王大任兩足俱落乞食市上或云大任昔爲河西堡馬夫臥關帝廟供几上搜淳狼藉夢神折其足未幾

自翦足十指竟以創潰落足

右二則
舊志

張某素業屠三世一日市一豬歸經郡學東豬行不前張連鞭之豬忽奮躍嚙其股久之不舍張流血被地死其兄殺豬斷其首而口不開嚙股肉如故

進士和氏璽初名某年三十尙應童子試夢人語之改名永昌當售其父爲更氏璽是歲入泮遂聯捷官同安縣知縣偶讀史至傳國璽文爲受命于天旣壽永昌乃

三全具云
卷之二
悟其夢

劉固東二里許有潭深不可測魚大蕃息鄉人毒其水
欲盡取之乘天未曉往者以百數見池中火柱衝天猛
烈難近遂驚回比及天曉日出醉者皆蘇竟無所得

康熙五十二年有虎自東北來經曲周界曲周駐防兵
與廣平官兵共逐入永年界射殺之

永邑科名之盛嘉靖戊午鄉試申儲申僑萬厯丙子盧
大謨大順杜廕杜縻皆兄弟乙卯申靈允申爲憲叔姪
天啟辛酉胡士偉胡福宏族祖孫甲子劉鎡劉鏡從兄
弟康熙乙未會試冀棟冀築雍正癸卯冀方然方燕皆